

*Alejsman*

Torino, 28 octobris 1920.

Caro Collega,

Motu pro lingua internationale cresce, numero socio jam responde ad me. Etiam in alios societates vita incipe.

Publico intellige nihil ad thema et finales latino. Nos debe instrue publico. Jam societas Basso et Pinth publica excellentes manuales de interlingua; es necesse publicatione de numero alio libro in omni lingua. Si libro es bono, pote recde pecunia ad auctore. Per exemplo Te pote publica vocabulario Interlingua-francais et viceversa.

Academia acquire tot exemplare de tuo libro quot es numero de socios. Et da ad Te jure de fac socios, pro summa correspondentem.

Non es per discussiones inter nos, que nos pote fac progredi interlingua seu per diffusionem inter magno publico. Si Te puta quod finales latino es nimis difficile, supprime illos; suffice quod Te sic que alios interlinguista adopte finales, et tuo publicatione es conforme ad interlingua de Academia. Nullo pote etiam adopt-i final-OJN de Esperanto, et semper suo lingua es concorde cum Academia, si illo da notitias de opinionibus contrariis.

Hodie usu de thema latino es difficile pro sriptore, nam illo debe posside vocabulario latino ad usu de schola, et debe stude regulas de grammatica quem me e publica in compendio in 100 exemplo.

Nunc, si me habe tempore, me paraepara manuale pro Italos, nam me non habe plus exemplare de 100 exemplo. Tunc me precor te de auxilio, et me age gratias pro tuo charta postale de 22 10 1920.

Salutationes cordiales.